

2014-imi innuttaasut ilinniarsimassusaat


Ukiut qulit ingerlanerini innuttaasut ilinniagaqarsimanermi qaffasissusaat ineriartorluarsimavoq. 2014-imi innuttaasut 16-it sinnerlugit ukiullit 36,2 procentii meeqqat atuarfiannit qaffasinnerusumik ilinniagaqarsimapput. Tamanna ukiut qulit matuma siornarnit 6 procentpointinik annertuneruvoq.

Ilinniarnertuunngorniarfiit aammalu inuussutissarsiornermi ilinniarsiit pingaartumik nuannarineqarput, taamaattoq aamma professionsbachelorit amerleriarsimapput. 2014-imi ilinniarsiit ingerlaqqiffiusuni naammassisimasut affai professionsbacheloriuqput.

Pingajorarterummit amerlanerit meeqqat atuarfiannit qaffasinnerusumik ilinniarsimapput

Titartakkami 1-imi takuneqarsinnaapput ukiuni qulini kingullerni inuit 16-it sinnerlugit ukiullit ilinniagaasa qaffasissusaat. 2014-imi 36,2 procentit meeqqat atuarfiannit qaffasinnerusumik ilinniagaqarsimapput. Tamanna 6 procentpointinik qaffariarneruvoq.

Titartagaq 1. Innuttaasut 16-it sinnerlugit ukiullit ukiup naalernerani, ilinniakkanut qaffasissusaannut agguaallugit




Najoqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCPR0B>).

Ilinniarnertuunngorniarfiit aammali inuussutissarsiornermi ilinniarsiit toqqarneqakkajupput, inuiaqatigiinnili aamma professionsbachelorit amerleriarsimapput. 2014-imi 16-it sinnerlugit ukiullit 15.440-it meeqqat atuarfiannit qaffasinnerusumit ilinniagaqarsimapput, taakkunangga 10.447-it

ilinniarnertuunngorniarfinni imaluunnit inuussutissarsiormik ilinniarnertuunngorniarfinni qaffasinnerpaamik ilinniagaqarsimallutik.

Ataani takuneqarsinnaapput inuttaasut 16-it sinnerlugit ukiullit kommuninut sisamanut agguaaneri. Tassanilu aamma takuneqarsinnaavoq inuit meeqqat atuariannit qaffasinnerusumik ilinniarsimasut agguaqatigiissinnerat ukiuni kingullerni qulini kommunini tamani qaffariarsimanera.

Titartagaq 2. Kommunini inuttaasut 16-it sinnerlugit ukiullit ukiup naanerani, ilinniakkat qaffasisusaannut agguallugit




Nassuiaat: Inuit kommuneqarfiit avataanni najugaqartut titartakkami ilaanngunneqanngillat. Najooqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCPROB>).

Agguaqatigiissillugu Kommuneqarfik Semersuumi qaffariaat annertunerpaavoq, tassani meeqqat atuariannit qaffasinnerusumik ilinniagaqarsimasut ukiut qulit matuma siornarnit qaffariaataat 6,7 procentpointiulluni. Inniarnertuunngorniarfiit, inuussutissarsiormik ilinniarnertuunngorniarfiit aammalu ilinniarnertuunngorniarfiit qiviassangaanni Kommuni Kujallermi ineriartorneq annertunerpaasimavoq 5,7 procentpointinik qaffariarsimalluni.

Ingerlaqqiffiusumik ilinniarnertuunngorniarfiit

Ukiut kingullit qulit ingerlanerini ingerlaqqiffiusunit ilinniagaqarsimasut amerleriarsimapput, 2014-imilu inuit 4.719-it ingerlaqqiffiusunik ilinniagaqarsimapput.

Titartagaq 3. 2004-mi, 2009-mi aammalu 2014-imi ingerlaqqiffiusumik ilinniarfiit



Nassuiaat: Kandidatinut ilaapput professionskandidatit, Ph.d. aammaludoktorit gradillit.

Najoqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCROB>).

Ingerlaqqiffiusumik ilinniarsimasut affai sinneqartut professionsbachelorit ilinniarsimapput, taakkunanga amerlanerit 'Peqqinneq aamma Atungarissaaneq'-mi aammalu 'Ilinniartitaaneq'-mi nanissaapput. Ilinniarfinilu taakkunani pineqarput soorlu inunnik isumaginninnermik aammalu meeqqat atuarfianni ilinniartitsisutut ilinniarsimasut. Inuttaasut ingerlaqqiffiusunik ilinniarsimasut 22,9 procentii kandidatit qaffasissulinnik ilinniarsimasuupput, taakkunanga ilaapput nakorsat, inatsilerituut aammalu økonomimik ilinniarsimasut.

Inuttaasut ilinniagaqarnikkuit naammassisimasaanni qaffasinnerpaat

Ataani tabelimi takuneqarsinnaavoq 2002-mit 2014-imut Kalaallit Nunaanni innuttaasut, ilinniakkat qaffasissusaannut agguaallugit.

Tabeli 1. Innuttaasut ilinniarsimassusaat ukiup naanerani, ilinniakkat naammassisat qaffasissusaannut aammalu ukiunut agguaallugit


	2002	2004	2006	2008	2010	2012	2014
Ilinniagaqarsimangilaq	2.652	2.585	2.547	2.440	2.556	2.375	2.322
Atualinnginnermi	2.878	2.656	2.631	2.496	2.430	2.451	2.410
Børnehaveklassi	7.220	6.988	6.519	6.173	5.839	5.669	5.538
Atuarfik appasissumik tunngaviliivik	3.013	3.098	3.059	2.881	2.756	2.553	2.388
Atuarfik qaffasissumik tunngaviliivik, Nalinginnaasumik ilinniarneq	29.443	29.364	29.331	29.199	29.109	28.575	27.886
Ilinniarnertuunngorniarluni ilinniarneq	1.067	1.167	1.217	1.300	1.536	1.786	2.056
Inuussutissarsiummik tunngaviusumik ilinniarneq	6.999	7.348	7.476	7.659	7.987	8.233	8.421
Nalinginnaasumik ilinniarneq ...	23	55	92	139	163	199	241
Inuussutissarsiuutinik ilinniaqqinneq	3	4	4	3	3	3	3
Inuussutissarsiuutinik ilinniaqqinneq naatsoq	654	733	766	797	857	922	934
Bachelor	99	134	142	152	176	210	256
Professionsbachelori	1.921	2.086	2.042	2.073	2.242	2.384	2.450
Kandidat	668	711	784	822	901	932	1.000
Professionskandidat	14	16	15	30	29	39	43
Ilisimatuunngorniarnert, Qaffasissumik ilinniarneq	22	24	23	30	31	39	36
Tamarmik	56.676	56.969	56.648	56.194	56.615	56.370	55.984

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCPROA>).

Amerlanerit ingenøritut ilisimatusarnermi, nioqqutissiornermi sanaartormilu ilinniarsimapput

Titartartakkami 4-mi takutinneqarpoq 2014-imi innuttaasut 16-it sinnerlugit ukiullit meeqqat atuarfiannit qaffasinnermik ilinniarsimasut. Ilinniakkat immikkoortortanngorlugit agguaassimapput, qaffasissutsit tunngavigalut immikkoortinneqaratik.

Titartagaq 4. 2014-imi innuttaasut 16-it sinnerlugit ukiullit meeqqat atuariannit qaffasinnernik ilinniarsimasut, immikkoortortanut agguuaallugit



Najoqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCPROA>).

2014-imi inuit 3.650-it ingenøritut ilisimartusarnermi, nioqqutissiornermi aammalu sanaartornermi ilinniagaqarsimapput taamaasillutik immikkoortortani agguaqatigiissillugu 23,6 procentiullutik annertunerpaallutik. Immikkoortortami pineqartumi sanasut, qalipaasut aammalu innaallagisserisut inuussutissarsiornermik ilinniarfinneersut aammalu Arkisk Teknologi-mi ingenøritut allagartallit ingerlaqqiffiusumik ilinniarfinningaanneersut nassaassaapput. Peqqinnermut atugarissaarnermulli immikkoortortamiittut agguaqatigiissillugu inuit 2.967-iullutik annermut tulluupput, tassani isumaginninnermi aammalu peqqissaanermi ikiortit, isumaginninnermut siunnersortit aammalu peqqissaasut nassaassaallutik. Inuussutissarsiornermi, allaffissornermi inatsisilerinermilu nassaassaapput aningaasaqarnikkut ilinniakkat, tunngaviusumillu siunertalinnik ilinniakkani naliginnaasuni pingaartumik ilinniarnertuunngorniarfiit pineqarput.

Periaaseq

Saqqummersitaq nalunaarsuutinit tunngaviusunit najoqqutanillu taaneqartunit pingasunik suliarineqarpoq:

- Ilinniartut Ilinniagaqarnersiuteqartitsivimmit (USF) ilinniakkamik naammassisimasutut nalunaarsukkanit
- Danmark Statistikimi Qallunaat Nunaanni ilinniakkanik naammassisimasutut nalunaarsuivimmit 'HFFU'-mik taaneqartumit aaneqartunit
- 2010 tikillugu nalunaarsuutit Naatsorsueqqissaartarfimminngaanneersut USF avaqqullugu Kalaallit Nunaanni ilinniarfinningaanneersunit 'Non-USF'-imik taaneqartumit aaneqartunit.

Innuttaasut 17-it sinnerlugit ukiullit Naatsorsueqqissaartarfimmit ilinniarsimanermut paasissutissaateqarfigineqanngitsut meeqqat atuarfianni 10.klassimik naammassinnissimasutut naatsorsuussaapput. Ilinniarfit 1980-ikkunninngaanneersut siusinersukkulluunniit pisimasut ilaat ilinniartitaanermi kisitsisitigut paasissutissanut ilaanngillat, soraarummeersimanermut allagartartaarnermullu paasissutissaqannginnera tassunga peqqutaapput.

Naatsorsueqqissaartarfiup ilinniartitaanermut kisitsisitigut paasissutissanut nalunaarsuutininik atuineranut nalilersueriaatsinullu atorpeqartunut annertunerusumik misissuisoqarsinnaavoq nittartakkami: www.stat.gl Ilinniartitaanerup ataani. Suliaq *nutaajunerpaat Innuttaasut Ilinniarsimassusaannut* tunngasoq tooruk aammalu Periaaseq iserfingalugu. Nassuiaat “Metode til HUF’s data.pdf”-imik ateqarpoq.

ISCED2011

Ullumikkut Kalaallit Nunaanni UNESCO-minngaanniit ISCED2011-mik taaneqartup malittarisassiai malillugit ilinniarfiit nalunaarsorneqartarput. Tamannalu ineriartortitamik suleqatigiinneq Naatsorsueqqissaartarfiup Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik suleqatigalugu piviusunngortippaa.

Taaguutit

Naatsorsueqqissaartarfik ilinniartitaanermi taaguutininik saqqummiinikuuvoq, taaguutit ilinniarfiit sorliit ilinniarfimmi pineqartumiinnersut imaluunniit ISCED-imi sumi immikkoortortamiinnersut aammalu Kalaallit Nunaanni ilinniarfiit imaluunniit ISCED-imi sumi inissisimanersut ajornaatsumik nassaarineqarsinnaanngortippai.

Taaguutit Excel-regnearkimi allassimasut nittartakkami www.stat.gl Ilinniartitaanerup ataani nassaassaapput. Saqqummersitaq kingullerpaaq tooruk Periaaserlu iserfingalugu. Regneark-i “*Nomenklatur med ISCED2011 FEB2015.Wlsx*” – imik ateqarpoq.

Taaguutit allassimaffiat aamma immikkoortiterinerneq tulleriaarinernik imaqarpoq.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse
Daniela Sveegaard
E-mail: DANS@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

